

UNIVERZITET U TUZLI

Broj: 01-94-JN-9/23

Tuzla, 21.08.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1), tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-94-JN-8/23 od 21.08.2023. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine Direktor za ekonomske poslove, dana 21.08.2023. godine donio je

O D L U K U **O IZBORU NAJPOVOLJNIJEG PONUĐAČA**

I

U okončanom Konkurentskom zahtjevu za dostavu ponuda za nabavku usluge revizije geotehničkih misija G 21 (geotehničkih projekata) Univerziteta u Tuzli, izabran je ponuđač "RUDARSKI INSTITUT" d.d. Tuzla sa ponudenom cijenom od 4.990,00 KM bez uračunatog PDV-a odnosno 5.838,30 KM, te se istom dodjeljuje ugovor o nabavci.

II

Ponuda ponuđača iz tačke I ove Odluke ocijenjena je kao najpovoljnija iz razloga što kao prihvatljiva ispunjava sve uslove iz tenderske dokumentacije i zato što je imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH navedene u tački 10. Tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku usluga revizije geotehničkih misija G 21 (geotehničkih projekata) prve faze razvoja Kampusu (Edukacijsko-rehabilitacijskog fakulteta, Ekonomskog fakulteta, Filozofskog fakulteta, Pravnog fakulteta, Farmaceutskog fakulteta, Akademije dramskih umjetnosti), putem Konkurentskog zahtjeva za dostavu ponuda broj: 01-94-JN-2/23 od 13.06.2023. godine objavljenom na Portalu javnih nabavki od dana 26.06.2023. godine pod brojem: 795-7-2-49-3-77/23, u "Službenom glasniku BiH" broj 46/23 od 30.06.2023. godine i WEB stranici Univerziteta. U ostavljenom roku ponudu su dostavila dva ponuđača: "Institut za zaštitu, ekologiju i obrazovanje" d.o.o. Tuzla i "RUDARSKI INSTITUT" d.d. Tuzla.

Nakon javnog otvaranja ponuda Komisija za provođenje postupka javne nabavke izvršila je detaljan pregled i analizu dostavljenih ponuda te utvrdila sljedeće:

Ponuda ponuđača „Institut za zaštitu, ekologiju i obrazovanje“ d.o.o. Tuzla ne sadrži sve dokaze zahtijevane iz tačke 3. (Uslovi za kvalifikaciju ponuda), podtačka 3.3 Tenderske

dokumentacije, pod kojom su jasno i nedvosmisleno navedni uslovi koje ponuđači moraju ispunjavati za obavljanje poslova iz predmetne nabavke i dokazi koje je ponuđač dužan dostaviti:

“-Rješenje o registraciji/Aktuelni izvod/Izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke i

- ovlaštenje/rješenje Federalnog ministarstva prostornog uređenja za obavljanje poslova izrade geotehničkih projekata iz člana 27. Uredbe o uređenju gradilišta, obaveznoj dokumentaciji na gradilištu i sudionicima u građenju.,,

Ponuđač „Institut za zaštitu, ekologiju i obrazovanje“ d.o.o. Tuzla je dostavio Rješenje Federalnog ministarstva prostornog uređenja broj: UPI/03-19-2-487/23 od 22.05.2023. godine i Ovlaštenje Federalnog ministarstva prostornog uređenja broj: UPI/03-19-2-487/23 od 22.05.2023. godine u kojima se **ne navodi** da ponuđač može obavljati zahvate na poslovima izrade geotehničkih projekata, tačnije u priloženom Rješenju i Ovlaštenju nije navedeno da ponuđač ispunjava uslove za izradu geotehničkih projekata a što je decidno zahtijevano tenderskom dokumentacijom.

Zbog naprijed navedenog ponuda ponuđača Institut za zaštitu, ekologiju i obrazovanje“ d.o.o. Tuzla je ocijenjena kao neprihvatljiva jer ne ispunjava kriterije za kvalifikaciju propisane tenderskom dokumentacijom.

Ponuda ponuđača „RUDARSKI INSTITUT“ d.d. Tuzla sadrži sve dokaze zahtijevane tenderskom dokumentacijom te je ocijenjena kao prihvatljiva.

Obzirom da je pristigla jedna prihvatljiva ponuda e-aukcija nije zakazana.


Budući da ponuda ponuđača „RUDARSKI INSTITUT“ d.d. Tuzla u svemu zadovoljava uslove predviđene tenderskom dokumentacijom i ima najnižu ponudenu cijenu Komisija je predložila da se istom dodijeli ugovor.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana od dana njenog prijema, na adresu dr. Tihomila Markovića br.1 Tuzla.

Prilog: Zapisnik o pregledu i ocijeni ponuda broj:
01-94-JN-8/23 od 21.08.2023. godine

DOSTAVITI:
1x svim učesnicima
1x a/a



DIREKTOR ZA
EKONOMSKE POSLOVE

Husein Matović, dipl.oec.